

Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. II. Statuitur prima conclusio, & ostenditur, peccatum veniale naturâ suâ à mortali distingui

[urn:nbn:de:hbz:466:1-77355](#)

DISPUTATIO NONA

dum dixit, *Omne peccatum fieri veniale per pa-*
nientiam, quia scilicet per hanc consequitur re-
missionem. In eodem sensu locutus est Augusti-
nus tract. 24. in Ioān. ubi ait: *Nullum esse pec-*
catum, quantumcumque parvum, quod sit venia-
le, quandiu placet; nullum verò quod mortale, se
verè displiceret. Sensus enim est quod nullum peccatum,
quantumvis leve, sine aliquo dolore for-
malis aut virtuali remittitur; & nullum, quan-
tumvis grave, si per pœnitentiam & contrito-
nem delectatur, mortem animæ, aut pœnam ater-
nam inferat. Secundò peccatum veniale dicitur
ex parte cause, quia habet in se aliquam causam
minuentem vel excusantem: & in hoc sensu ve-
nialia dicuntur, quæ ex infirmitate vel ignoran-
tia proveniunt, quamvis aliquando mortalia
sint. Tertiò veniale sumitur in stricta acceptione,
prout scilicet non excludit à subjecto principium
veniae & remissionis; & quia hujusmodi principium
est gratia, omnia illa peccata quæ gratiam
non auferunt, venialia dicuntur. Et in hac tertia
acceptione sumitur veniale à Theologis, cum di-
viditur contra mortale.

3. Suppono tertio, peccatum veniale strictè sum-
ptum esse in triplici differentia: aliud enim dici-
tur veniale ex genere suo, ut verbum otiosum,
quia quantumcumque crescat circa propriam
materiam & objectum, habere non potest ex illo
unde fiat mortale: aliud ex parvitate materiæ, ut
furtum rei exiguae: aliud denique ex imperfetta
deliberatione; quia licet circa objectum ex se
mortale, vel circa materiam gravem versetur,
ab ea tamen non sinit malitiam moralem, eò
quod in ejus commissione pars inferior antever-
rat rationem superioris, & ejus iudicium pertur-
bet, ac proinde efficiat quod absque plena deli-
beratione rei illicite consentiat. His præmissis.
Circa propositam difficultatem in primis est
error Hæretorum hujus temporis, assertum
omnia peccata ex sua natura esse mortalia, &
mortem animæ ac pœnam aeternæ reatum inferen-
tia; quod verò de facto ea non inferant, proveni-
re ex sola Dei misericordia, qua non vult quod
in prædestinatis, vel in justificatis ex fide, tales ef-
fectus producant; sicutque volunt differentiam in-
ter peccatum mortale & veniale non esse ex na-
tura rei, sed ex Dei lege & misericordia, vel ex
conditione personæ peccantis.

5. Huic errori affinis videtur sententia Joannis
Gerfonis Cancellarij Parilensis, qui 3. p. tract.
de vita spirit. alphab. 61. similiter docet quodlibet
peccatum quantum est ex se mereri pœnam
aeternam, quia cum sit offensa Dei, qui est infi-
nitus, continet malitiam infinitam: licet Deus
comiseratione quadam puniens citra condi-
gnum, talem pœnam ei non imputet, sed pœnam
aeternam in temporalem commutet. Unde etiam
juxta hanc sententiam peccatum mortale non
distinguitur à veniali intrinsecè & ex natura rei,
sed extrinsecè tantum & ex divina misericordia,
qua vult quod aliquibus peccatis privemur gra-
tiæ, & reatum pœnam aeternæ contrahamus, non
verò alii. Idem docent Rosensis contra Luthe-
rum art. 32, & Almainus tract. 3. moral. cap. 20.

6. Cæteri verò Catholici unanimiter profertur
contra Hæreticos, veniale peccatum natura suâ
distingui à mortali, & non solum ex Dei lege &
misericordia, vel ex conditione personæ pec-
cantis. Sed in explicanda prima ac præcipua
unius ab altero differentia valde dissentunt: Sco-
rus enim in 2. dist. 21. qu. 1. ait peccatum mortale

A primò differre à veniali, per hoc quod mortale sit
contra præceptum, veniale vero solum contra
consilium. Idemque assertere videtur Gabriel in
4. dist. 16. qu. 5. art. 1. notab. 1. Alij unum distin-
gunt ab alio, per hoc quod primum opponitur
gratiæ & charitati, illaque destruit, non vero
secundum. Alij ex eo quod peccatum mortale in-
ducit reatum pœnae aeternæ, veniale vero pœ-
nam solum temporalem meretur. Alij denique
alia assignant discrimina, aliosque dicendi modos,
quos referunt Aluarez, Curiel, Montezino,
aliisque D. Thomæ interpres. Pro declaratione
& defensione vera sententia sit

S. II.

Statuitur prima conclusio, & ostenditur peccatum
veniale natura suâ à mortali
distingui.

Dico primò, dari aliqua peccata, quæ de se
& ex sua levitate intrinseca venialia sunt,
subindeque à mortali natura suâ distincta, &
non ex Dei lege aut misericordia, vel condicio-
ne personæ peccantis.

Probatur primò ex Scriptura: Christus enim
Lucæ 6. vocat quædam peccata festucas in ocu-
lo, alia trabes: At festuca non possunt per se
excœpare oculum in quo sunt: Ergo levia quæ-
dam sunt peccata, quæ non tantum actu non extingunt gratiam, quæ est animæ lumen, sed quæ
nec extingueri possunt, subindeque de se & ex
natura sua, ac levitate intrinseca, venialia sunt.
Item Paulus t. ad Corinth. 3. quædam peccata
qua justi committunt, retinentes tamen adha-
sionem vivam ad Christum ut fundementum
suum, comparat feno & stipula superimpositis
fundamento, ut explicant Cyprianus in epistola
ad Antonianum, Ambrosius Scrim. 2. n. psal. 138. &
Augustinus lib. 21. de civit. cap. 26. Sed feno
& stipula non possunt ex se destruere fundamen-
tum: Ergo nec illa peccata ex se & ex natura sua
sunt capacia destruendi gratiam & charitatem,
per quam Christo ut fundamento unimur.

Probatur secundò ratione, quam insinuat S.
Thomas hinc art. 1. Peccatum est quædam animi
infirmitas, juxta illud Prophetæ: *Miserere mei*
Domine, quoniam infirmus sum: sana animam
meam, quia peccavi tibi: unde sicut inter infi-
mitates corporis quædam sunt graves, quæ mor-
tem inducent, auferendo principium vitæ, quæ-
dam verò leves, quæ in eo periculo non consti-
tuunt, quamvis adiungant; ita & inter pec-
cata, aliquæ de se & ex natura sua sunt gravia,
quæ mortem spiritualem animæ inferunt, eam
privando gratiæ & charitate; alia levia, quæ li-
cet ad talem effectum disponant, de se tamen il-
lum non valent producere.

Confirmatur: Offensio in re levissima habet
secundum se & ex natura rei quod amicitiæ
non solvat; non verò ex gratia amici offensio: Er-
go cum peccatum mortale Dei amicitiæ solvat,
culpa levis, v. g. risus superfluis, vel otiosum
verbum, non erit ex natura sua mortalis, & ex
lege, misericordia, & gratia Dei venialis; sed
intrinsecè & ex natura rei venialis erit.

Addo quod Gerfonis sententia reprobata vi-
detur a Pio V. & Gregorio XIII I. qui hanc Mi-
chaëlis Baij propositionem damnarunt: *Nullum*
est peccatum natura suâ veniale, sed omne pec-
catum meretur pœnam aeternam. Unde post hanc
cen-

DE PECCATO MORTALI ET VENIALI.

473

censuram talis opinio ad minus temeraria censenda est.

10. Denique quod peccata venialia non differant à mortalibus ex sola conditione personae peccantis, quæ scilicet est fidelis, vel prædestinata, ut docent Hæretici nostri temporis, confat ex Scriptura, ex qua habemus, Adam, David, Petrus, & Magdalenam peccasse mortaliter, & tamen certum est illis suis prædestinatos & fideles; & non peccassè peccato infidelitatis. Ratio etiam suffragatur: nam dignitas personæ non minuit sed auget rationem culpæ, ut docet & probat D. Thomas supra qu. 71. art. 10. & infra qu. 89. art. 3. Unde tantum abest quod peccatum minuitur, & ex mortali veniale fiat, cùm à fidelis seu Christiano committitur, quin potius ex circumstantia illa personæ augetur & redditur gravius; ut eleganter declarat Salvinianus lib. 4. de gubern. ubi sic in Christianos peccantes invehitur: *Omnis Christianorum culpa, divinitatis injuria est: atrocis sub sancti nominis professione peccamus; ipsa errores nostros religio quam profitemur accusat.*

§. III.

Solvuntur objections.

11. **O** BUCIES primò: Christus Matth. 5. ait: *Qui solverit unum ex mandatis istis minimis, minimus vocabitur in regno celorum, id est, rejicitur à regno celorum, & minimè in eum vocabitur, ut plures interpres exponunt. Vel, ut ibidem ait D. Thomas, minimus vocabitur in regno celorum, id est, nullus, quia non erit ibi.* Ergo non solum peccata mortalia, quæ sunt contra maximam mandata, sed etiam venialia, quæ sunt contra minimam, excludunt à regno celorum, & per consequens reatum pœna æterna inducunt.
12. Respondeo primò cum Cajetano super hunc locum Matthæi, quod sicut peccatum veniale non est peccatum simpliciter, sed secundum quid (utpote non contra, sed præter legem) ita mandatum circa venialia non est mandatum simpliciter, sed secundum quid; ac per hoc appellatione mandatorum non veniunt nisi illa quibus prohibentur mortalia, & qui si violentur, fit contra legem. *Minima vero appellantur* (inquit S. Thomas ibidem) *moralia vel legalia aliqua, quia minus sunt significacione, vel minima quantum ad remunerationem, in comparatione ad illa qua Christus dixit. Vnde Chrysostomus: Mandata Moysi in actu facilita sunt, ut non occidas; ideo in remuneratione modica, & in peccato magna, sed mandata Christi, ut non irascaris, in actu difficultia, & ideo in remuneratione magna, & in peccato minima. Vocantur etiam minima, non re, sed astimatione Pharisæorum, qui diligere inimicos, abstinentia à concupiscentia carnis, mandata minima appellabant.*

13. Secundò responderi potest, eo loco non dici tantum, *Qui solverit unum ex mandatis istis minimis, sed addi, & docuerit sic homines, minimus vocabitur*, seu non vocabitur in regnum celorum. At non est peccatum tantum veniale, docere homines solvenda esse Dei mandata, quantumvis minora alii; hoc enim non potest provenire nisi ex contemptu legis, qui est lethaliter culpabilis, quamvis lex minima præcipiat. Loquitur ergo Christus de solventibus mandata minima, modo Pharisæo: *Pharisæi autem, ut dici-*

A tur eo loco, solvebant minima mandata, ea eludendo pravâ interpretatione, & dicendo prohiberi tantum lege divinâ homicidium, vel adulterium, re ipsa executioni postum, non autem affectum utriusque, corde conceptum. Unde ibidem subditur: *Nisi abundaverit justitia vestra plusquam Scribarum & Pharisæorum, non intrabis in regnum celorum.*

Objicies secundo: Augustinus lib. 22. contra Faustum sic definit peccatum: *Peccatum est diabolus, vel factum, vel concupitum contra legem aeternam.*

B Sed esse contra legem aeternam, dat peccato quod sit mortale: Ergo omne peccatum est mortale, & reatum mortis, & pœna æterna, quantum est ex le, inducit. Unde Ezechiel. 28. dicitur: *Anima qua peccaverit, ipsa morietur: & ad Roman. 6. Stipendia peccati mors.* Non igitur veniale peccatum distinguitur à mortali ex natura sua, sed tantum ex divina lege, aut misericordia, decernente quod istud, non verò illud, reatum mortis æterna inferat.

Respondeo haec testimonia Scripturæ & Augustini intelligenda esse de peccato mortali:

Tum quia peccatum, ut infra dicemus, analogice dicitur de mortali & veniali; analogum autem stat pro famosiore significato, ut communiter dicitur: Tum etiam quia in communi modo loquendi, res que aliquo nomine quantitatem aliquam significare exprimuntur, tunc tantum simpliciter fortinuntur hoc nomen, quando sunt sub quantitate perfecta, nomine illo expressa; v. g. planta, quæ nondum justam suam magnitudinem est apta, non vocatur arbor. Similiter etiam illud solum in Scriptura peccatum simpliciter & antonomasticè dicitur, quod perfectum & consummatum per consensum, generat mortem, ut dicitur Iacobi 1. Veniale autem, præsterim si sit tale defectu perfecta deliberationis & consensus, non dicitur peccatum simpliciter, sed quasi conceptus peccati, & initium seu dispositio ad illud.

Objicies tertio: Augustinus variis in locis asserit neminem fore salvum, si absque misericordia judicetur a Deo: *At hoc non esset verum, si venialia non excluderent à salute, & pœna æterna reatum non inducerent; cùm multi sint qui in morte non habent nisi venialia peccata: Ergo &c.*

Respondeo Augustinum solum velle, neminem re ipsa conlecturum vitam aeternam sine misericordia, quatenus venialia etiam debent remitti ut quis salvus fiat, & ingrediatur regnum celorum, in quo nihil immundum & cōquinatum intrare potest. Quod autem in hoc sensu loquatur, patet ex lib. 9. confess. cap. ultimo, ubi rogat lectores, ut ore pro matre sua defuncta, ut (inquit) *consequatur Dei misericordiam: Atque defunctis non remittuntur peccata mortalia, sed venialia tantum: Ergo istorum remissio est misericordia quedam, necessaria cuicunque ut recipiat in vitam aeternam.*

Objicies quartò: *Quæ Deus præcipit vel prohibet sub veniali, potuisse præcipere vel prohibere sub mortali, ut nostram exerceret obedientiam, vel supremum dominium quod in nos habet manifestaret; in quo casu omnes transgressiones illorum præceptorum essent peccata mortalia, ut pater: Ergo quod aliquod peccatum non sit mortale, sed duntaxat veniale, non provenit ex natura rei, seu ex intrinseca levitate ei illius, sed ex divina misericordia,*

Qoo

Tom. III.